

Visoki predstavnik ponovo poziva na prijem BiH u Vijeće Evrope

Visoki predstavnik, Wolfgang Petritsch, uočio je značajan napredak u radu na učlanjenju Bosne i Hercegovine u Vijeće Evrope, te u tom smislu podržavao i podržava brzi prijem BiH u pomenutu organizaciju. U sklopu obimnih konsultacija vođenih tokom ove sedmice, visoki predstavnik uputio je dopis Walteru Schwimmeru, generalnom sekretaru Vijeća Evrope, te razgovarao sa lordom Russell-Johnstonom, predsjedavajućim Parlamentarne skupštine. U svome dopisu gospodinu Schwimmeru, visoki predstavnik izrazio je nadu da je do ovog momenta Bosna i Hercegovina ispunila značajan dio kriterija za učlanjenje u Vijeće Evrope, što uključuje i usvajanje izbornog zakona, te da će se njena prijava za članstvo uskoro razmatrati, a ona sama u skorom roku biti pozvana da se pridruži pomenutoj organizaciji.

Usvajanje Izbornog zakona znači ispunjenje jednog od uslova koje je međunarodna zajednica davno postavila. Time ne samo da je popunjena značajna praznina u bosanskohercegovačkom demokratskom sistemu, nego se time i pokazalo da su novoizabrane vlasti spremne na realne i principijelne kompromise o suštinskim pitanjima.

Visoki predstavnik vjeruje da se došlo u fazu kada bi se preostali neispunjeni uslovi mogli staviti na listu uslova čije ispunjenje slijedi nakon učlanjenja. I dalje je krajnje neophodno hitno riješiti problem ljudskih prava u Bosni i Hercegovini i time bosanskohercegovačkim građanima u potpunosti osigurati sva ona prava koja imaju prema Evropskoj konvenciji o ljudskim pravima. Ta prava također uključuju i

pravo na povratak. Jačanje državnih institucija, usklađivanje obrazovnih sistema i uspostava nezavisnog sudstva također su pitanja od suštinskog značaja za ovu zemlju.